



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatvs De Necessitate Et Modo Ministrandi  
Sacramenta Tempore pestis**

**Chapeauville, Jean**

**Mogvntiæ, 1612**

7. An etiam Diaconum, subdiaconum, tandem & laicum?

**urn:nbn:de:hbz:466:1-41077**

224 D E N E C E S . E T M O D . M I N I S T .  
fiones assumptione: Verum dicimus, ecclē-  
siam non respexit ad articulum extremæ  
necessitatis, in quo versamur, ut ex ante di-  
ctis satis manifestum est.

## Q V A E S T I O V I I .

An etiam Diaconum, Subdiaconum, tandem  
& Laicum?

Quæstionis explicatio.

**C**erta fide tenendum est, solo sacerdo-  
tes esse à Christo præfectos iudices in  
a In Bullæ Martini V. ciliis (a) Constantiensi, (b) Florentino, &  
b In decreto (c) Tridentino. Reperiuntur nihilominus  
unionis.  
c Sef. 14. c. 6. quidam (d) Canonistæ, qui dubitant, an &  
d Glossa & can. 10. occasione queritur, an in casu pestis cum  
Panormi, in nullus sacerdos haberi possit, liceat vocare  
c fures extra Diaconum, Subdiaconum, tandem & La-  
de furtis. icum, ministracionis huius sacramentip-  
ritum?

### Reffponsio.

**D**obus modis potest fieri confessio  
diacono, subdiacono, vel laico: Uno,  
eadem ratione & animo, quo debet fieri  
sacerdoti, ut scilicet ab illis tanquam à iudi-  
cibus

tibus & ministris etiam virtute clavium remissio peccatorum obtineatur. Altero, ut ipsa humilitate & erubescētia confessionis commoueatur flectaturque magis Dei misericordia erga peccatorem, eoque certius peccatorū remissio, non per Diaconi, subdiaconi, vel laici aliquod ministerium, sed ab ipso solo Deo impetretur. Siloquamur de primo modo, nullo casu, ne extremæ quædem necessitatis, licet prædictis confiteri, quin imo sacrilegium committeret tum is, qui illis confiteretur, tum illi, qui confessiōnem exciperent, si per potestatem claviū conarētur etiam in extrema necessitate constitutum absoluere, quin etiam absoluētes irregularitatē incurrerent: Siquidem iure (*a*) canonico omnes illi decernuntur irregulares, qui exercent actum proprium Ordinis, quem non habent: absolutio autem sacramentalis est actus proprius Ordinis sacerdotalis. Si sit sermo de posteriore modo, licebit subinde illorū aliquem aduocare, nunquam tamen tenebitur sic illis confiteri.

Dices t. Beda (*b*), Gratianus, & post illos D. Thomas dicunt in articulo mortis, si sacerdos absit, confessionem debere fieri laico: ergo magis Diacono & subdiacono.

*b Apud Magisterium in 4. dist. 17.*

¶ Illos hoc non dicere, sed morem referre

*a Extra de  
Cleric. non  
ordin. c. si  
quis, &c. en  
literis.*

ferre, pro illorum tempore quidam uti solabantur.

Dices secundò: Iure (*a*) canonico fuit, qui in actuali furto interficitur, priuatitur sepultura, si autem Presbytero vel Diacono confessus fuerit, communione non priuatitur: Ergo in articulo mortis non solum licet aduocare Sacerdotem, sed etiam Diaconum? Sic colligunt Glossa & Panormitanus.

*R.* Ius Canonicum illo loco non velle aliud significare, quam furi pœnitenti, & signa contritionis ostendenti, non esse denegandam communionem: Numerantur autem specialiter Sacerdos & Diaconus, quia à sacerdote potest absolui & communicari: Diaconus autem, quamuis non possit illum sacramentaliter absoluere, potest tamen in illo articulo, ut postea ostendimus, Eucharistiæ sacramentum ministrare, alias certum est de fide ex supradictis per Diaconum, vel quemcunque inferiorem, sacramentalem absolutionem impendi non posse.

Dices tertio: Consulendum est peccate infectis, si sacerdotes desinat, ut confiteantur, siue Diaconis, siue Subdiaconis, siue Laicis?

*e' Sotus supr.  
Medin. de co  
fes. q. 28.*

*R.* Plerosque modernos (*b*) Doctores

nobis

hon consulere, quin imo (a) Nauarrus ex-  
istimat, peccatum esse mortale, in confessi-  
one se apud laicum infamare, nisi causa  
gravis subsit.

Dices 4. Fuitne mos confitendi posteri-  
ori modo aliquando in præcepto?

R. Secundum (b) Sotium & Medinam  
nunquam fuisse, & adeo sensim, non sine  
grauibus causis desisse, usque adeo, ut nul-  
lus omniño vel rarus admodum illius ho-  
die in Ecclesia sit usus.

B Supra.

Dices postremo: Poteritne saltem dia-  
conus in absentia sacerdotis peste infectū  
ab excommunicatione absoluere?

R. Probabile est posse, quia sicuti ius  
concedit simplici sacerdoti absolutionem  
ab excommunicatione, quando ei conce-  
dit a peccatis propter extremam necessita-  
tem morientis, ut ex Concilio Tridentino  
patet: ita & concedere videtur hoc casu e-  
andem absolutionem Diacono, cui pro-  
pter similem necessitatem concedit  
ministracionem Eucharistiæ,  
ut suo loco ostende-  
mus.